

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22 i 40/22 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 19. sjednici održanoj 08.11.2023. godine, donijela je

**Autentično tumačenje člana 65. stav (1) tačka e) Kolektivnog ugovora za djelatnosti  
predškolskog odgoja i osnovnog odgoja i obrazovanja Kantona Sarajevo  
(„Službene novine Kantona Sarajevo“, broj: 24/22 i 40/22)**

*„Član 65.*

*(1) Radniku po osnovu otežanih uslova rada pripada pravo na poseban dodatak uz platu u visini do 25% njegove osnovne plate u sljedećim slučajevima:*

*e) nastavniku u redovnim školama po osnovu rada sa učenicima s teškoćama s kojima nastavnik radi na osnovu individualiziranog prilagođenog programa (IPP), pripada pravo na poseban dodatak na platu u iznosu od 2% njegove osnovne plate za rad sa svakim učenikom s kojim realizira jedan čas sedmično, a najviše 15% njegove osnovne plate,“*

Citirana odredba Kolektivnog ugovora znači da maksimalni iznos posebnog dodatka uz platu nastavnika na mjesečnom nivou ne može prelaziti 25% osnovne plate radnika po svim osnovama iz člana 65. Kolektivnog ugovora i zavisi od broja časova i broja učenika sa kojima nastavnik radi na osnovu individualiziranog prilagođenog programa (IPP) u smislu citiranih odredbi iz člana 65. stav (1) i člana 65. stav (1) tačka e) Kolektivnog ugovora.

**Odluka o autentičnom tumačenju člana 65. stav (1) tačka e) Kolektivnog ugovora je donesena na 19. sjednici Komisije održanoj 08.11.2023. godine jednoglasno konsenzusom.**

**ČLANOVI KOMISIJE**

**Abid Fejzić**, predstavnik Poslodavca

\_\_\_\_\_

**Sudin Sivro**, predstavnik Sindikata

\_\_\_\_\_

**Edina Pašić**, predstavnik Poslodavca

\_\_\_\_\_

**Envera Šukman**, predstavnik Sindikata

\_\_\_\_\_

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBiH -  
KANTONALNI ODBOR KANTONA SARAJEVO**  
n/r predsjednika

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22 i 40/22 - u daljem tekstu: Kolektivni ugovor) obratio se Sindikat, kao jedna od ugovornih strana, a vezano za zahtjev Sindikata, kao jedna od ugovornih strana, vezano za dopis Javne ustanove Osnovna škola „Mirsad Prnjavorac“ Sarajevo, broj: 03-2086/23 od 20.10.2023. godine koji se odnosi na tumačenje člana 65. stav (1) tačka e) Kolektivnog ugovora u dijelu utvrđivanja prava na isplatu posebnog dodatka po osnovu rada po IPP na platu radniku – nastavniku razredne nastave koji radi sa dva ili više učenika.

U vezi s navedenim, obavještavamo Vas da je Komisija na 19. sjednici održanoj 08.11.2023. godine, donijela autentično tumačenje člana 65. stav (1) tačka e) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**